

preſſe dicens g) non negari notitiam diaboli qua talem eſſe certam; deſiderans ſaltem probationem aſſerti, illam eſſe vera indolis ex aſſectu; quod fallaciter deſertum queritur. Ipſe tamen reſpondet ad eam, quæ pro defendendo illo aſſerto allata fuerat, comparationem diaboli cum ſubdito carceri mancipato: *in regno mundi penes ejuſmodi ſubditum fiducia non eſt pars ejuſ fidei, qua credit qua à ſubdito credenda ſunt, an propterea non eſt pars fidei in regno DEI?* De qua vero re paulo poſt conſtabit. Quantacunque vero ſit certitudo dæmonum, & quam acerbus ejuſ effectus iis exiſtat, ut primum tamen ad ſua redeunt mendacia, ſcelera, fraudes, & à facie domini quaſi exeunt, tantum detrahere videntur ſuæ certitudini, quantum mendacia ſua fatagunt ſtabilire; & nunc ſibi ipſis ſuiſque quaſi ſenſibus diſſidere, nunc DEI immutabilitatem & veracitatem ex ſuo ingenio iudicare, adeoque de iis, quæ modo cum aſſenſu horrorem incutiente agnoverant, nunc dubia ſibi fingere, ut ſui regni ſtatuta appareant, ceu optant, tanto firmiora. Vnde non male Theologi, notante etiam J. Fr. Mayero h), damnationem inter cæteras calamitates in corruptione notitiæ intellectus collocant, maximam hinc damnationis diabolos cruciantis partem colligentes, quod plurima quæ norant, ea non ſine animo pendente, incertiſque fluctibus horſum quorſum delato, norint.

- a) *Diſſ. de Fide, Juſtiſ. nat.* allegata Chriſtiano Chemnitio de fide dæmonum p. 38. b) *l. c.* p. 35. c) *in Luca IV.* d) *Diſquiſit. de vera rerum ſacr. not.* p. 170. e) *Epist. Anti-Pelag. P. I.* p. 80. ſqq. f) *Epist. Anti-Prædeſt.* p. 77. ſqq. g) *Epist. Anti-Pelag. P. II.* pag. 109. h) *An Chriſtum diabolus in ſtatu exin. agnoverit.* p. 13.

### §. XXXIII.

VIVA dicitur hominum Theologia inde potiffimum, quod *An viva?* mortem ſpiritualem extingvere ac mortificare, & vitam novam accendere apta ſemper nata exiſtat. Quo ſenſu facile patet dæmonum Theologiam vivam dici non poſſe. Quod Origenes a) ait: *Dicat aliquis cauſam, cur homines carnem & ſanguinem induti confugere poſſint mutati ad DEVM per CHRiſtum, eos vero, qui puriori natura utuntur, incapaces eſſe omnes credendi in ſervatorem, minimeq; obſtupere propter prodigioſas virtutes, quas ipſe fecerit; ab Eccleſia dudum confutatum eſt. Æternis tenebris vinciti nullam mutationem, nullum acceſſum ad DEVM; ad tartaream mortem detrufi nullam in ſervatorem fiduciam, nullam vitæ ſpirituſ radi-*